

欽定四庫全書		普濟方卷三百六		明 周王朱橚 撰	
諸蟲獸傷門		諸蟲獸傷		諸蟲獸傷	
凡一切蟲獸所傷及背瘡腫毒杖瘡焮發或透入裏者可服木香檳榔丸七八十九丸或至百餘丸生薑湯下五七行量虛實加減用之內經曰先治內然後治外是也					
○又云犬咬蛇傷不可便貼膏藥及生肌散之類內經					
欽定四庫全書		普濟方			
云先治內後治外可也先當用導水丸禹功散通經散瀉十餘行即時痛減腫消然後可用膏藥生肌散之類					
傳之則愈					
方					
荳蔻散 治驢涎馬氣駱駝騾子兔子狗子蛇傷					
肉荳蔻 二箇		自然銅 二錢		燒酥 錢	
甘草 三錢		檳榔 一箇		板藍根 三分	
川烏頭 一箇		烏梅 四箇		燒 一箇	
金毛狗脊 一箇		紅花 二錢		紅芍藥 三分	
去毛		茅香 三分			
烏梅 四箇		川烏頭 一箇		燒 一箇	



葛根散 治熊傷人瘡	用燒青布薰瘡口毒出仍煮葛根汁令濃以洗瘡日十度并搗葛根為散煮葛根汁服方寸匕日五服瘡	治虎咬瘡方	用濃煮葛根汁洗十數徧及搗為散以葛根汁服方寸匕日五甚者夜二服一方以嫩絮骨燒灰為末乾傳瘡處一方用白礬為末納瘡口中痛止立効一方	溫水服	欽定四庫全書	普濟方	又方	用青布捲為繩燒一頭燃內竹筒中注瘡口薰之極	効	又方 用嚼粟子塗之良	治猪啣方 用松脂煉作餅子貼上	又方 用屋霤中泥塗之	治熊虎所傷毒痛 用煮生鐵令有味以洗之	治熊傷人瘡
-----------	--	-------	--	-----	--------	-----	----	----------------------	---	------------	----------------	------------	--------------------	-------



治虎咬瘡方 用鼠一枚燒為灰細研先用漿水洗身後傅之甚良 用嚼粟米塗之即瘥	又方	治虎傷 但飲酒常令大醉當吐毛出	治虎犬傷 用糝礬末內瘡口申裹之痛止立效	治蛇犬咬 用熱人尿淋患處良	治狗咬虵蟻瘡蛇咬 用山豆根並以水研傅之	欽定四庫全書 普濟方	治蛇犬毒入 用黃藥子末傅之	莽草末塗之	用薄荷汁塗之若中猫涎入瘡則令人悶浸椒水調	治猫兒傷	用飲薤汁一升日三瘥又杵汁傅之	治虎犬咬蛇咬 封裹瘡	用蒴藿一大把剉碎以水一升漬須臾取汁飲餘滓
---	----	--------------------	------------------------	------------------	------------------------	---------------	------------------	-------	----------------------	------	----------------	---------------	----------------------



治惡蛇風犬所傷

用唾調人耳塞塗傷處兩頭防毒走散然非數人耳
塞不可此極驗

又方 用草麻子為細末臘水化白蜜調傅傷處可

又辟虎法

凡入山用燒水牛羖羊角虎狼蛇皆走

治虎傷

用生野葛汁塗乾薑末內瘡中

欽定四庫全書

普濟方

治貓兒所咬成瘡不効

右以鼠血塗之立瘥

山林日用法每欲出行時用

雄黃 一桐子大
火上燒烟

右以薰脚綳草屨之類及袍袖間即百毒不敢侵害

邪祟遠辟

治虎傷人瘡

取生葛根煮濃汁洗瘡兼搗葛根水服方寸匕日夜



五六服

治虎狼傷瘡 以月經衣燒末傅之

主人畜為虎狼等傷恐毒入內者

取芒莖雜葛根濃煮服之效

石芒生高山如芒節短
江西人呼為折草六月

七月生穗
如菽也

治虎傷

以細辛雄黃等分為末內瘡中日三四易之

治虎及狗咬瘡

欽定四庫全書

普濟方

用猪膏苒搗傅之至良

治蟲豸咬傷

取大藍汁一碗入雄黃麝香二物隨意看多少細研
投藍汁中以點咬處若是毒者即并細服其汁神異
之極也昔張薦負外在劔南為張延賞判官忽被斑
蜘蛛咬項上一宿咬處有二道赤色細如箸繞項上
從膺前下至心經兩宿頭面腫疼如數升盃大肚漸
腫幾至不救張相素重薦因出家財五百千延賞家



財又數百千募能療者忽一人應召云可治張相初甚不信欲驗其方遂令目前合藥其人云不惜方當療人性命耳遂取大藍汁一甕盪取蜘蛛投之藍汁良以方出得汁中甚困不能動又別搗藍汁加麝香末更取蜘蛛投之至汁而死又更取藍汁麝香加雄黃和之更取一蜘蛛投汁中隨化為水張相及諸人甚異之遂令點於咬處兩日內悉平愈但咬處作小瘡痂落如舊

欽定四庫全書

普濟方

驢馬傷

附論

人誤被馬咬或踢踏傷損肌肉腫痛若不即治毒氣日深傳入臟腑有致死者宜急治之○夫驢馬氣之病醫流少有知之者凡人宰殺驢馬及自死開剥不可犯之如開剥驢馬時切忌手指間有瘡痕及誤傷刃其涎入內毒氣發也剥活馬毒少有若自死者大毒殺人命名曰中生氣煮肉之時其半生半熟有白色時毒殺人名曰中熟氣其毒入內初時便不覺頭疼體熱走注疼痛



<p>寒熱無時而作起居如常如要知之用麥麩稀湯多飲之即吐涎此知是驢馬之毒也如不吐者非也急用荳蔻散或虎骨酒飲之即可如不知者以淹日月其毒發則如眼中出其眼即枯如臂中出其臂必傷腿中出腿必瘤幸然存命也如不然則病必篤遍身腫毒而膿出肉爛死者甚衆</p> <p><small>應驗方云余年幼時大安元年在洛南縣住親見官中倒死鋪馬命衆屠行開剥此時七人到此開剥之其人皆死後常見此証死者甚衆余深究其法於屠戶中受此方屢經大効不忍秘之大抵頭目疼身熱比傷寒相似如走注疼痛起居如常此為異耳</small></p>	<p>欽定四庫全書 普濟方</p>	<p>方</p>	<p>殭蠶散 治被馬咬傷損皮肉疼痛</p>	<p>馬鞭稍 <small>五寸 燒灰</small> 雄鼠糞 <small>炒二 十枚</small> 白殭蚕 <small>炒半 兩</small></p>	<p>右搗為末以猪脂二兩調傅咬處日三易良</p>	<p>立効散 <small>出千 金方</small> 治馬嚙人及蹋人作瘡毒腫熱痛</p>	<p>馬鞭稍 <small>長 二寸</small> 鼠屎 <small>二 七 枚</small></p>	<p>用合燒為末以猪膏和塗之立愈治遂成瘡爛經久不愈者以馬鞭皮燒末猪膏和塗</p>
---	-----------------------	----------	-----------------------	--	--------------------------	---	--	--



熱雞血浸之	用雞冠血着瘡中三下兒馬用雌牝馬用雄一方用	治馬咬人瘡有毒腫疼痛又剥驢馬傷手 <small>出聖 急方</small>	右以婦人月水傳瘡口立効	治剥馬被骨刺破毒欲死	人肉三數日漬之有腫者炙石熨之日二消止	用取桑灰汁熱漬瘡常令汁器有火數易汁勿令爛	治馬犬啣及馬骨刺傷人及馬血入舊瘡中方	欽定四庫全書 普濟方	封之且忍勿小便即愈	用地骨皮不拘多少為末以水調傳瘡甚効	桑皮散 <small>出千 金方</small> 治馬嚙人陰卵脫出	治馬踢傷 <small>出經驗 良方</small>	右為細末分作二服酒調服之	虎骨酒 治驢馬氣傷瘡毒 虎骨 <small>酥炙 半兩</small> 木香 <small>三 錢</small>
-------	----------------------	--	-------------	------------	--------------------	----------------------	--------------------	-------------------	-----------	-------------------	--	-----------------------------------	--------------	--



治馬咬傷 <small>出傳信 適用方</small>	荒蔚散 治馬咬 以益母草細切和醋炒封之効益母草即荒蔚子也
治馬咬人或刺破瘡及馬汗入瘡毒痛	用燒獨顆粟子灰貼瘡追毒
治馬咬人或刺破瘡及馬汗入瘡毒痛	用馬糞燒灰為末研傅瘡上及馬尿洗瘡佳
治驢涎馬汗毒所傷神効	白礬飛過黃丹炒令紫色各等分相滾合以貼患處
欽定四庫全書	普濟方
治馬咬人毒入心方 <small>出聖 患方</small>	用馬齒菜子搗為散每服一錢溫酒調下不計時候
馬齒湯食之差	又方
用蓼藍汁三大盞水二盞煎至一大盞溫服二合不	計時候兼用洗瘡良
治馬咬人及踏人瘡有毒腫熱痛方	用灸瘡中腫上瘡



獼犬噬

附論

凡春末夏初犬多發狂必誠小弱持杖以預防之防而不免者莫出於灸百日之中一日不闕者方得免難若初見瘡癢痛定即言平復者此最可畏大禍即至死在旦夕凡狂犬咬人着訖即令人狂精神已別何以得知但看灸時一度火下即覺心中醒然惺惺了了方知咬已即狂是以深須知此此病至重世皆輕之不以為意坐而死者常年有之

欽定四庫全書

普濟方

凡獼犬咬人七日輒應一發三七日不發則脫也要過百日乃得免耳每到七日輒當搗葑汁飲一二升又當終身禁食犬肉蚕蛹食此則發死不可救矣瘡未愈之間禁食生魚及諸肥膩冷食但於飯上蒸魚及於肥膩器中食者便發不宜飲酒能過一年乃佳乃若人曾食落葵中犬咬必難治若已瘡十數年後食之者便發也若重發者生食蟾蜍鱸絕良亦可燒炙食之不必令其人知初得嚙毒便為之則於後不發也儒門事親書云



麻先生兄材行為犬所嚙鼻至家脛腫如罐堅若鉄石
毒氣入裏嘔不下食頭痛而重往問戴人女僮口誦隨
利減以栴榔丸下之見兩行不瘥適戴人自舞陽回謂
麻曰脛腫如此足之二陰三陽可行乎麻曰俱不可行
如是何不大下之乃命夜臨卧服舟車丸百五十粒通
經散三四錢比至夜半去十四行腫立消作胡桃紋反
細於不傷之脛戴人曰慎勿貼膏紙當令毒氣出流膿
血水常行又一日戴人恐毒氣未盡又服舟車丸百餘

欽定四庫全書

普濟方

粒濟川散三四錢見六行病人曰十四行易當六行反
難何也戴人曰病盛則勝藥病衰則不勝其藥也六日
其膿水盡戴人曰膿水行時不畏風盡后畏風也乃以
愈風餅子日三服之又二日方與生肌散一傳之而成
効嗚呼用藥有多寡便差別相懸向使不見戴人則利
減之言非也以此知醫已難用醫尤難

方

桃白散

出聖
惠方

治獺犬咬人毒氣攻心悶亂方



<p>桃白皮 <small>三兩</small> 甘草 <small>半兩</small> 杏仁 <small>三十枚</small> <small>微黃而</small> 桂心 <small>一兩</small> <small>微赤剉</small> 杏仁 <small>皮尖雙仁</small> <small>成膏</small> 湯浸去</p>	<p>右細剉以水三大盞煎至一盞去滓入杏仁膏攪令 勻分為二服良久再服</p>	<p>蟬花散 <small>出衛生寶鑑方</small> 治夏月犬傷及諸般損傷蛆虫極 盛臭惡不可近之者</p>	<p>蛇退皮 <small>一兩用炭燒存性研為末</small> 蟬殼 <small>兩半</small> 青黛 <small>兩半</small> 華陰細辛 <small>三錢半</small></p>	<p>欽定四庫全書 普濟方 右為細末每服三錢酒調下如六畜損傷成瘡用酒 灌如犬傷用梅子和喫蛆皆化為水蠅子不敢再落 又以生寒水石末糝上</p>	<p>葑根散 <small>出聖惠方</small> 治獾犬咬人疼痛不止方 鼓 <small>一合</small> 雄鼠糞 <small>一兩</small> 杏仁 葑根 <small>各一兩</small></p>	<p>右件藥相和爛研傳破處良</p>	<p>金黃散 <small>出聖惠方</small> 治狂犬咬傷損疼痛方 白礬 <small>一兩</small> 硫黃 梔子灰 <small>各半兩</small></p>
---	--	--	---	--	---	--------------------	--



金粒丹 治風狗毒蛇所傷	減半去滓溫分三服得吐乃効	右用水二升先煮桃皮取汁一升去滓下杏人再煮	杏桃散 <small>出聖方</small> 治狂犬咬人傷痛方 杏人 <small>四十枚去皮</small> 桃白皮 <small>升切二</small>	右同搗令熟后傳於瘡上即愈	枸杞散 <small>出聖方</small> 治犬咬方 枸杞葉 <small>少許</small> 鹽 <small>少許</small>	欽定四庫全書 普濟方	右燒灰水和飲一盃口禁者折齒內藥	頭髮 獬皮 <small>各等分</small>	狷皮散 <small>出千方</small> 治獬犬毒方	灸餅上熱即差	右搗為餅可瘡大小厚一二分貼咬處大作艾炷以	杏豆散 治療狂犬咬方 杏仁 <small>切去皮尖</small> 豆豉 <small>各一兩</small> 蕪根 <small>一握淨洗</small>	右件藥都研為末傳咬損處即瘥
----------------	--------------	----------------------	--	--------------	---	---------------	-----------------	-----------------------------	------------------------------------	--------	----------------------	--	---------------



<p>雄黃 <small>一兩透</small> <small>明者</small> 大硃砂 <small>一錢</small></p>	<p>右研極細旋取溫蟾酥為丸如麻子大每服一丸溫酒下不忌口一服奏效</p>	<p>立効散 治風狗所傷</p>	<p>蒜 杏仁</p>	<p>右各等分一處搗爛次用些少消風急風散一捻在蒜內連瘡口四畔傅訖將艾炷灸之次服消風急風</p>	<p>二散忌鱧鰻發風等物</p>	<p>欽定四庫全書 <small>普濟方</small></p>	<p>定風散 <small>出衛生家寶方</small> 治風狗咬破先口噙漿水洗淨用</p>	<p>綿搵乾貼藥更不再發</p>	<p>天南星 <small>生</small> 防風 <small>各等分</small></p>	<p>右為細末乾上藥更不再發無膿大有神效不可具述凡惡犬傷人咬破多或一二年三年至七八年咬破處或時疼痛或先發增寒甚至發風遍身搐搦數日不食十死八九余親見者數十人服此藥但凡犬咬破者無有不愈</p>
--	--------------------------------------	------------------	-------------	---	------------------	--------------------------------------	--	------------------	---	--



<p>雄麝散 <small>出醫方集成</small> 治獼犬傷或經久復發無藥可療</p>	<p>者用之極驗</p>	<p>雄黃 <small>色黃而明者五錢</small> 麝香 <small>五分</small></p>	<p>右各等研和勻用酒調二錢服如不肯服者則撚其鼻而灌之服藥后必使得睡切勿驚起任其自醒候利下惡物再進前藥即見効矣終身禁食犬肉蚕蛹此毒再發則難救</p>	<p>梔子散 治療狂犬咬方</p>	<p>欽定四庫全書</p>	<p>梔子皮 <small>燒灰</small> 石硫黃 <small>末</small></p>	<p>用搗為末傅瘡日一易救急用二三度差</p>	<p>虎骨散 治療狂犬咬方</p>	<p>虎骨 石灰</p>	<p>右二味以臘月猪脂和作餅子暴乾搗末以傅之良</p>	<p>治凡犬嚙人方 <small>出千金方</small></p>	<p>用取竈中熱灰以糝瘡中帛裹繫之</p>	<p>又方 <small>出千金方</small></p>
---	--------------	---	--	-------------------	---------------	---	-------------------------	-------------------	--------------	-----------------------------	-----------------------------------	-----------------------	-------------------------------



用燒自死蛇一枚令焦為末內瘡孔中	又方 <small>出千 金方</small>	用鼠屎為末以臘月猪膏傅之或用鼠一枚猪膏煎傅	之	又方 <small>出千 金方</small>	用飲生姜汁一升一方用白姜炙熨之良菲汁亦佳	治狂狗咬 <small>出本 草</small>	用菘耳葉煮服之	又方 <small>出千 金方</small>	用燒犬尾為末傅瘡日三	欽定四庫全書	普濟方	又方 <small>出千 金方</small>	治犬咬人重發瘡	用頭垢少許內瘡中以熱牛糞塗之佳	又方 <small>出千 金方</small>	治凡犬嚙人 用苦酒和灰塗瘡中	治小兒狗嚙方 <small>出千 金方</small>	用月一日以水一升灌之勿令狗主打狗若月盡日	三升水灌之	治獼犬毒方 <small>出千 金方</small>	用搗菲絞取汁飲一升日三瘡愈止愈後復發者用
-----------------	-----------------------------	-----------------------	---	-----------------------------	----------------------	------------------------------	---------	-----------------------------	------------	--------	-----	-----------------------------	---------	-----------------	-----------------------------	----------------	---------------------------------	----------------------	-------	--------------------------------	----------------------



又方 <small>出千 金方</small> 用豆醬清塗之日三四差	又方 <small>出千 金方</small> 用梅子末酒服之	傳之	狗腦上毛燒灰傅瘡上不發一方用葇蓉爛搗和鹽	用服葇蓉子七枚日一度以水服之差止又取其獬	又方 <small>出千 金方</small> 用桃東南枝白皮一握水二升煮取一	升分二服吐出犬子	欽定四庫全書 普濟方	良又取燈盞殘油灌瘡口此皆禁酒猪肉魚生菜	用燒虎骨傅瘡及熨之又微熬杏人搗研取汁服之	又方 <small>出千 金方</small> 用髮及狷皮少許燒灰水和服之	又方 <small>出千 金方</small> 骨末服已發狂如獬犬者服即愈	用刮虎牙若虎頭骨為末酒服方寸匕或刮狼牙	又方 蕤根故梳二枚用水二升煮一升頓服
--	---	----	----------------------	----------------------	---	----------	---------------	---------------------	----------------------	---	---	---------------------	-----------------------



治狂犬嚙人方 <small>出千方</small>	用蛇脯一枚炙去頭搗末服五分匕日三
又方 <small>出千方</small>	用青布浸汁服三升
又方 <small>出千方</small>	用飲驢尿一二升或驢屎汁飲一升即
差	
治風狗傷 <small>出濟生</small>	拔粹方
用口噙漿水洗淨以乾薑末塗貼	
又方 <small>出濟生</small>	用吮去血漿水洗畢紙上炒黃丹赤
又方 <small>出濟生</small>	用吮去血漿水洗畢紙上炒黃丹赤
欽定四庫全書	普濟方
色貼之	
蟾蜍灰散 <small>出肘后方</small>	治狂犬咬人重發者
用蟾蜍三個燒灰搗羅為末每服二錢溫水調下服	
時不得令人知一方焙乾傳之又剝作鱗吞蒜齏下	
治獬犬咬人毒氣攻心悶亂方	
用蝦蟆一枚燒灰細研為末以粥飲調服之即愈一	
方蝦蟆作膾而愈一方用砂糖同搗汁服 沈約宋	
書曰張收嘗為獬犬所傷醫云宜食蝦蟆膾收甚難	



之醫含笑先嘗收因此乃食瘡亦即愈

治獠犬嚙重發方 出聖 惠方

用乾姜搗為細末每服二錢以溫水調下不拘時侯

一方用末傅瘡口立差

治犬咬成瘡漏方 出聖 惠方

用石灰細研為末以醋和

塗瘡上

治犬咬方 出聖 惠方

用取地龍爛搗封根咬處當有毛

或收得乾者搗末用油調封之

欽定四庫全書

普濟方

又方 出聖 惠方

用 燒灰細研為末以醋調塗之

治狗咬 用杏仁研細先切葱湯洗然後傅塗傷處

一方同馬蘭根研細塗之一方搗杏仁傅之服汁亦

佳熬成膏令黑傅亦可

又方 出聖 惠方

用葶藶子五十粒去殼井水研成膏先

以鹽水洗咬處次以此膏傅貼或用虎骨末及虎膏

一方無虎骨末

莽草散 出聖 惠方

治狗咬涎入瘡令人昏悶用上好浸



椒水調莽草末塗之	又方 <small>出仁存方</small> 治虎犬咬人 用白礬為末糝瘡內	裹之立愈	治犬咬凍瘡 <small>出危氏方</small> 並以秫米嚼傅	治狂犬咬人 <small>出聖惠方</small> 用蚯蚓屎和鹽研封狂犬傷毒處出犬毛殊有神效一方井口蚯蚓糞濕傅瘡上以物包定即差	治療獼犬咬人 <small>出醫方大成</small> 用仍殺所咬犬取腦傅之後	欽定四庫全書 普濟方	不復發	治獼犬咬人 <small>出千金方</small> 用煮地榆汁飲之兼末傅瘡上服方寸匕日三服忌酒若治瘡已差者搗生葑汁飲之一二升一方無葑汁地榆絞汁無生者乾水煮飲之傅上一方為散水調服二三錢日三次服兼可傅瘡上過百日止	解狗毒	杏人 礬石 葑根 人尿 <small>各等分</small>
----------	---------------------------------------	------	----------------------------------	---	---	---------------	-----	--	-----	--------------------------------



研細爛停毒處

治犬咬人重發 用服蔓菁汁佳一方地榆為末

咬處立差

治狗咬傷 用鍋墨為末桐油調塗又方用嚼杏仁

沃破處以帛繫定一方以人屎汁傳尤良

治癩狗傷 用真茶末桐油濃調塗傷處

治顛狗咬人 用清油泥於破咬處擦成條搯斷看

油泥內直至無狗毛為度如有毛更擦然後用水調

欽定四庫全書

普濟方

嫩米糠為膏貼之此一方賀都目傳清油泥俗云油

屎

治顛狗咬人 出經驗良方

用斑貓七箇去翅足為末夏間豆豉四十九粒去皮

滴水研為膏入和班貓末為丸如梧桐子大盡數服

白熟水下却將穢桶盛水令病人尿小便於內停半

日見小便桶內水中氣凝結如狗形則愈如不下再

合服至七次始獲全安



清油散 出經驗
良方

治顛狗咬人

用生麻油滴鼓為膏彈子大常常拭搯所咬瘡口分
開鼓彈見有狗毛茸茸此毒出即安至無茸毛為度
日間常行食用加杏子食之尤妙

又方 出經驗
良方

凡被癩癩狗咬不可使用水洗及飯擦可用草藥名
鉄薄荷又名接骨草用葉并根梗以水洗去土搗爛
傳傷處用絹帛包定無令着水神効其草如菊花葉

欽定四庫全書

普濟方

兩葉相對到秋有青花如小蓼花相似

治風顛狗咬人 出經驗
良方

用前方須要服藥後方可常食杏仁逐其毒

又方 出德生
堂方

用班猫七箇去頭足翅研為細末温酒調服其毒亦
從小便中出膏膜形如狗狀如小便雖出不見狗形
須服七次方可如大小便俱澁不下却用火麻燒灰
存性同沒藥末茶各少許用温湯調服引導其毒即



下	又方 <small>出經驗良方</small>	當時被咬如藥不便隨即用生葱連白不以多少搗	爛先塗咬傷處然後服前藥	虎骨膏 治犬咬	有一人被咬以蚯蚓屎黃泥各少許入些虎骨同調	傳瘡口上一服便愈曾有驗	治狗咬着破傷風欲死者	欽定四庫全書 普濟方	用遍白狗糞燒灰溫酒下神効	紫荊皮散 治狂犬傷人	先以杏仁搗爛焙去毒以紫荊皮煎水又以沙糖調	紫荊皮末塗	治風狗咬	用路廁架上乾屎刮下用帶皮柳木槌熟搗成膏攤	紙上貼傷處睡去睡覺則汗出而愈永不再發不忌	口
---	-------------------------	----------------------	-------------	---------	----------------------	-------------	------------	---------------	--------------	------------	----------------------	-------	------	----------------------	----------------------	---



治獠犬咬人 出肘
後方

用搗乾地黃汁飲之并塗瘡口上百度止

立効散 治風狗咬傷

用餓老鷹胆一箇温酒調下或四十日或百日不瘡者不過三服愈

治顛犬所傷 出醫方
集成

用斑猫大者二十一隻去頭翅并足用糯米一勺先將斑猫七枚入米內於微火上炒不令米赤去此斑

欽定四庫全書

普濟方

猫別入七隻再於前米內炒令斑猫色變復去之又別用七隻如前法炒以米出青烟為度去斑猫不用以米研為粉用冷水入清油少許空心調服須又再進一服以小便利下惡毒為度如不利再進一服利后腹肚疼痛急用冷水調青靛服之以解其毒否則有傷或煎黃連水亦不宜便食熱物

治獠狗嚙 用葛根末傅之

觸骨散 出肘
後方 治狂犬咬人及諸犬咬瘡不瘥吐白



沫者為毒攻入心人煩亂喚叫作犬聲者方

用髑髏骨燒灰末以東流水和服方寸匕以活止凡

狂犬咋人七日輒應一發過三七日不發則免也要

過百日乃為大免每至七日輒當搗薤一作韭汁飲二

三升又當終身禁食犬肉蚕蛹若食此發則不可救

矣瘡未瘥之間亦忌食生物諸肥膩肉及諸冷食但

於飯上蒸生魚及就膩器中食便發不宜飲酒能過

一年乃佳

欽定四庫全書

普濟方

杏仁膏 治狂犬咬人

凡被狂犬咬人即急啣去血急吐之勿錯嚥之然後

搗杏仁和大虫牙捻作餅子貼瘡上頓灸二七壯從

此已后每日灸一兩壯貼杏仁餅子灸之須要滿百

日乃止百日内必莫斷使瘡瘥如無大虫牙單用杏

仁亦可狂犬咬人每至七日即合一發但至七日即

須搗韭汁服一大合日再服之縱非至七日但一日

兩日服一兩合大妙如冬月無韭取萐根搗汁服之



<p>又三兩日取杏仁一合搗碎熟研濾取汁和大虫牙 齒骨亦可用熟煎取一大升汁又燒竹瀝一合以和 杏仁酪汁更煎一兩沸分三服一日使盡又取所咬 犬腦以塗瘡大佳取大虫牙齒末或大虫脂塗之更 佳須忌酒</p>	<p>治救急療狂犬嚙人无問深淺者方 初被咬便以冷水洗令血斷封裹著如其瘡大及深 宜放流水中浸之血斷依法封裹更不用餘藥忌風</p>	<p>欽定四庫全書 普濟方</p>	<p>千萬可畏凡初被咬即覓一切物與喫后不發也</p>	<p>治風狗咬 <small>出瑞竹堂</small></p>	<p>用桃核殼半箇將野人肝 <small>即人之大糞也</small> 填滿以榆皮盖定 掩於傷處用艾於桃核上灸二七十四炷即愈永不 發作</p>	<p>治風犬傷</p>	<p>用白糞虫去肚中黑研之一二盃頭頂上有赤髮多 火拔去以虫傅之</p>
---	---	-----------------------	----------------------------	---------------------------------	---	-------------	---



治療獼犬咬人方	<small>出千金方</small>
用火炙蠟以灌瘡中一方接蓼以傅瘡上	
又方	用白芷末湯茶調服永不發
又方	用槐皮並葉傅之
又方	用枇杷葉以臈酒一瓶新開傾出酒令乾將枇杷葉火上燒過作黑色捺入瓶中用紙密蓋一椀飯時取出葉灰研為細末糝於被傷處隨即痛定瘡可絕妙
欽定四庫全書	普濟方
皂角散	治療獼犬咬人方
用淨洗口以獨蒜切片子安在口上却用葱鹽全蝎皂角四味同搗細安在上用艾灸黃水出為度	
治狗咬傷方	用磚青和牛糞傅之
治狂犬	<small>出肘後方</small> 以犬腎心搗傅咬處
治狂犬咬寒熱欲發者	刺熱人血飲之
治狂犬毒入心悶絕不識人方	<small>出聖惠方</small>
用取黑豆煮汁服之甚良	



治犬傷 良方	出千便	即止	欽定四庫全書 普濟方	治犬咬人傷處毒痛心悶方 出聖 惠方	四五服	用乾蛇一條酒浸炙令黃色又搗為末水調二錢日 四五服	治狂犬噬人 出聖 惠方	調塗立効風狗亦無害	用熱牛糞塗傅咬處佳如無濕糞以乾糞為末小油 調塗立効風狗亦無害	治犬咬方 出千 金方
治犬傷 出如 意方	麝香 沉香 防風 各等 分	右為末以生杏仁研酒下	治犬傷 出如 意方	鼠糞為末用冷井水洗瘡淨乾別用津調塗紙靨之 帛子縛之濕者乾糝	即止	欽定四庫全書 普濟方	治犬咬人傷處毒痛心悶方 出聖 惠方	四五服	用乾蛇一條酒浸炙令黃色又搗為末水調二錢日 四五服	治狂犬噬人 出聖 惠方
治犬傷 細研鼠糞以生油膩調塗立効										



治狂犬咬人	取鼠屎二升燒末研傅瘡上
治狂犬咬發狂欲死	以蟾蜍作鱠食之頻食數頓
治狗咬瘡	用見腫消生苗葉爛搗貼瘡
治狗咬破傷風	人參不計多少桑柴火上燒令煙絕用蓋子合研為末糝在瘡上立効
治狗咬	用山豆根水研傅之若獠犬咬以水調服
二錢	
欽定四庫全書	普濟方
治狂狗咬	取百家筋煎汁飲之一方就人家乞取煎汁服之
療狂狗咬人欲發者及蛇蝎惡虫等毒藥毒	以葑葉及根生搗絞汁服
治狂犬毒	以紫珠煮汁服之
治犬咬瘡	用屋漏水即以水澆屋簷承取用洗之又以水滴簷下令土濕取土以傅犬咬處瘡上



治獼犬咬人 <small>出肘 後方</small>	用牀四脚下土和成泥傅瘡上灸之一七壯瘡中得 犬毛者愈獼犬狂犬也
療獼犬咬人 <small>出肘 後方</small>	用地榆根末服方寸匕日一二服亦搗傅瘡上更佳
治狗咬瘡	右以竹藍耳燒灰傅狗咬處良
治狂犬傷毒	以白頸蚯蚓屎封之出犬毛神驗
治犬咬	右用黃荊葉搗急罨瘡口即安
欽定四庫全書	普濟方
治狂狗咬人	取桃白皮一握水三升煎取一升服
<small>桃白皮味 苦辛平</small>	
諸蟲傷 <small>附論</small>	
凡諸蟲齒所傷其類不一然毒入皮膚非真氣正法不 能移變故上古有移精變氣祝由之法今雖具存而逐 惡去毒之劑亦不可廢也凡有一切毒螫之物必不得起 惡心向之亦不得殺之若輒殺之于後必遭螫毒治亦 難瘥慎之慎之	



方	如聖散 <small>出宣明論</small> 治蛇蝎諸虫毒傷	川烏 防風 <small>去蘆</small> 白芷 <small>各二兩</small> 川芎 <small>一兩二錢半</small>	草烏頭 <small>兩半</small> 蒼朮 <small>二兩去皮</small> 細辛 <small>去苗土淨七錢半</small>	右件俱不見火生用晒乾研為細末傅之如神又蛇蝎螫狗咬用口噙漿水洗淨用藥末貼上三二次勤傅即愈諸小虫血傷無口者唾津調藥擦上勤易三五次即愈	欽定四庫全書 普濟方	麝香雄黃散 <small>出百一選方</small> 治二十七般惡虫咬傷人及瘡腫者	麝香 雄黃 乳香 硃砂 <small>各二錢德生堂一作礪砂</small>	土蜂窩 露蜂窩 <small>燒灰各一錢</small>	右研為末以醋調少許塗咬着處或不辨認得多疑是惡瘡三五日不療即毒入心難瘥忌雞魚膩物一方有白礬却無乳香	聖核子 <small>出濟生援粹方</small> 治蛇咬蝎螫
---	---------------------------------	---	--	--	------------	---	---------------------------------------	------------------------------	--	---------------------------------



雄黃散 <small>出千 金方</small> 治入山草辟衆蛇治蛇傷蜈蚣蝎螫	於毛旋起處遶圍四畔其虱自爆出	下良久身上毛旋起處即是毒所傷却用水調一丸	右搗研為末粟米糊為丸如菘豆大每服一丸冷水	麝香 <small>一分</small>	辰砂 <small>雄黃 研水 飛</small> 赤足蜈蚣 續隨子 <small>各一 兩</small>	辰砂丸 治百虫嚙沙虱蛇蝎虫毒	薑湯下當轉出惡并虫等當煩悶後以鴨為羹食之	欽定四庫全書 普濟方	右研為末鍊蜜和圓如大豆大每服三丸空腹煎乾	鬼白 <small>去鬚三味 各一分</small>	雄黃 <small>研</small> 朱砂 <small>研各 半兩</small> 藜蘆 <small>去苗 微炒</small> 巴豆 <small>去皮心 研去油</small>	雄黃丸 治百虫嚙毒氣內攻	子內封之針挑出止痛為用大有神効	用五月五日不聞雞犬婦人處不語搗為細末在杏	麝香 <small>少許</small>	雄黃 <small>三錢</small> 信 <small>一錢</small> 皂角子 巴豆 <small>各四十 九箇</small> 耳塞
---	----------------	----------------------	----------------------	-------------------------	--	-------------------	----------------------	---------------	----------------------	-----------------------------------	--	-----------------	-----------------	----------------------	-------------------------	---



<p>諸毒虫咬</p>	<p>乾薑 麝香 雄黃 <small>各等分</small></p>	<p>右為粗散以絳袋盛帶之男左女右蛇毒塗瘡如無</p>	<p>麝香以麝罔和帶之以蜜為膏傳螫處良一方研為細</p>	<p>末用津唾點時糝患處痛即止</p>	<p>麝香雄黃散 <small>出經効濟世方</small> 治百虫所傷</p>	<p>雄黃 硼砂 白礬 <small>並研細</small> 土蜂窩 <small>炙各半兩</small></p>	<p>麝香 <small>一錢</small></p>	<p>欽定四庫全書 普濟方</p>	<p>右為末用醋調傳咬處日一二服</p>	<p>甜葶藶散 <small>出聖惠方</small> 治虫咬方</p>	<p>甜葶藶 蛇床子 菟絲子 鹽 <small>各一兩</small></p>	<p>右各搗細為散以釀醋調如膏日三度塗之一方加</p>	<p>麝香</p>	<p>阿魏丸 <small>出聖惠方</small> 治辟蚊虫及諸虫等方</p>	<p>鳧樗皮 鱧鱺魚 阿魏 芫花 <small>已上各半兩</small></p>	<p>右為末用乳香煎汁和丸如雞頭大燒之是虫皆去</p>
-------------	------------------------------------	-----------------------------	------------------------------	---------------------	--	--	-----------------------------	--	----------------------	--------------------------------------	---	-----------------------------	-----------	--	---	-----------------------------



地胆散	治一切虫嚙
地胆 <small>乾曝</small>	地錦 <small>各等分曝</small>
右為散每用一錢蓋內用醋調却用蓋一隻合定慢火熬熱塗嚙處如已嚙得三兩日即先以牡蠣末一錢新汲水調下然後塗此藥	
藍汁膏	治虫螫傷 <small>方見本門蜘蛛蜈蚣傷類</small>
雄麝散	治一切虫豸蜘蛛等毒
右用鹽汁入雄黃麝香和塗之能化虫為水	
欽定四庫全書	
普濟方	
蚌粉散	治天蛇毒方
右以蚌粉滑石貝母為末傳之	
水銀膏	治惡蛇傷紅腫爛者
乾薑	水銀
猪脂	<small>騰月者各等分</small>
右揉令相得即置丸向椀中燒以竹筒籠上薰所腫處未薰先破兩處然後薰即瘥	
苦棟散	治辟蚊虫及諸虫等方
苦棟花	栢子
菖蒲	<small>各一兩</small>



右為散慢火燒聞氣自去矣	硃砂散 治守宮嚙	雄黃 <small>兩半</small> 硃砂 <small>一分</small>	右細研為散以少許傅之	雄黃散 治毒蟻螫人	雄黃 <small>一錢</small> 麝香 <small>半錢</small> <small>自研細</small>	右研勻以生麻油調傅之	立勝散 治虫蛇蜂蝎虻蛇蜘蛛沙虫等傷毒	欽定四庫全書 普濟方	大紅川椒 <small>去核十粒</small> 豆豉 <small>十粒</small>	右同入口嚼爛唾在手心次用南星末調和得所傅傷處毒水自出續又再傅神効	豆豉油 治春夏月樹木墻間有一等雜色毛虫極毒凡人觸着者則放小毛入手足上自皮至肉自肉入骨其初則皮肉微痒以漸生痛經十數日痒在外而痛在內用手抓搔或痛或痒必至骨肉皆爛有性命之憂此名中射諸藥不能治之
-------------	-------------	--	------------	--------------	--	------------	-----------------------	---------------	--	----------------------------------	--



用好豆豉約一碗清油半盞拌豉搗爛厚傅痛痒處
經一時久豉氣透骨則引出虫毛紛紛可見取下豉
埋在土中煎香白芷湯洗痛處如肉已爛用海螵蛸
為末傅之愈
<small>海螵蛸即烏賊魚之骨也</small>
麝香傅方 治一切虫嚙痛
右用麝香細研一錢封嚙處帛縛之一方虫咬鼠咬
用麝香細研密封塗之瘡用津調亦得
治百虫嚙毒攻瘡痛塗方
欽定四庫全書
普濟方
用犀角一片以井花水磨取濃汁塗瘡上
治五毒虫螫赤腫不止馬齒莧傅方并治蛇咬
用馬齒莧葉洗切爛研厚傅之一方貼之亦可
治一切虫嚙痛膩粉傅方
用膩粉一分用生薑自然汁調傅之
青麻心方 治守宮嚙
用青麻葉心七枚以手接碎取汁塗之
治蛇虫咬



用猪牙中垢塗嚙處頻易

治蚰蜒

清明前一日取馬蘭正日五更煎湯洒諸處

治天蛇螫毒舉身潰爛號呼欲絕者

用秦皮煮汁一斗許恣意飲之初日減半兩三日頻愈不知天蛇為何物或云草間黃花蜘蛛是也人遭其毒仍為露水所濡乃成此疾沈存中筆談載之甚詳一方秦皮濃煎服後用蚌粉滑石貝母末傅昔太

欽定四庫全書

普濟方

子中允關杞曾提舉廣南西路常平倉行部邕管一吏為虫傷毒舉身潰爛有一醫言能治使醫視之曰此天蛇所螫疾已深不可為也乃以藥傅其瘡有腫起以鉗拔之有物如蛇凡取十餘條而疾不起又錢塘西溪常有一田家忽病癩通身潰爛號呼欲絕西溪寺僧識之曰此天蛇毒爾非癩也取秦皮如上服之而愈

治壁鏡咬



用桑柴灰汁三度沸取汁調白礬末為膏塗瘡口瘡
兼治蛇咬毒

治羊辣子傷 用蠶璽搗之立愈

治蠶咬 用苧汁塗之今苧近蠶不生也

治辟蚊蟲及諸虫等方

用鰻鱧魚乾者於室中燒之即蚊子化為水矣

治蚯蚓咬

用濃鹽湯浸身數徧瘡浙西軍將張詔為此虫所咬

欽定四庫全書

普濟方

其形如大風眉鬢皆落每夕蚯蚓鳴用此方愈或以

石灰水浸身亦効

治螻蛄咬

用斛葉燒灰細研以泔水浸斛葉取洗瘡拭之內少

許灰於瘡中

治蛇虫蜈蚣咬

用家桑葉蒸後罾塩接傳瘡上葉未開枝可作煎酒

服又治一切風家桑葉暖無毒利五臟通關節下氣



煎服除風痛出汗并撲損瘀血並治之
治桑蠍咬人 用丁香末蜜調塗之
治蜂蝎螫人方 用人參嚼封之
治入山草辟衆蛇傷蜈蚣蝎螫諸毒虫咬 用常燒羚羊角使煙出蛇則去矣一方用羖角
治蜘蛛咬虫蚕咬蠓蝮溺瘡
用猪膏苒擣汁傳之猪膏苒似荏葉有毛
治蝼蛄咬蚯蚓咬其形如大風眉鬚落
欽定四庫全書 普濟方
用石灰醋和塗之
治惡虫咬 用酥和鹽傳之
治蛇虫傷惡瘡疥溪毒沙虱 用葫蘆搗貼熟醋浸之經年者良
治虫咬 用荏葉擣傳
治蚰蜒蜘蛛蟻子咬 用油麻研塗傳瘡癢
治諸蛇虺蝎惡虫毒



用葦根葉搗汁服之
治虫咬人 用紫草塗之一方用紫草油塗之
治蚰蟻咬人方及中蜈蚣毒者 用鷄屎傳之
治蚯蚓咬痛 用鴨屎傳之人屎亦可搨又以葱白傳之
治毒蛇並射工沙虱等傷眼黑口噤手脚強有毒攻腹 內成塊逡巡不救宜用此方
欽定四庫全書 普濟方
用蒼耳嫩葉一握研取汁溫酒和灌之將滓厚卷所傷處一方蒼耳傳之亦妙
治蛇咬蜘蛛毒 用鷄卵輕敲一小孔合咬處立瘡一方取白塗四畔瘡即愈
辟諸虫法 用薺花置席下辟虫
治諸虫毒 用嚼青蒿葉擦之
治壁鏡咬毒人必死方 用醋磨大黃塗之



治惡蛇傷紅腫者	用棟木根并皮切一升以水三升和煎取二升適寒 溫浸洗瘡冷即易再三瘥
治惡蛇傷紅腫爛者	用胡葱於塘火中煨令軟即出以紙隔手接令破以 搨瘡上以痛定為度李饒州多用神効
治諸蛇虺蝎惡虫毒	用令烟薰瘡口令烟入瘡中佳
欽定四庫全書	普濟方
治蛇虫咬及疥癬惡瘡	用天南星入藥炮為末用醋調傅之
治蛇虫傷	用葱根葉搗之內加鹽少許同搗傅
治蛇虺螫人	用射岡塗螫處頻易塗腫上血出即 愈
治蛇蝎蜈蚣等傷	用生鐵石上水磨汁塗之
治蚯蚓咬	用老茶研末調塗之立愈
治壁鏡咬人立死方	



用檳榔不拘多少燒灰存性先以醋淋洗後以醋調貼之	治諸蛇犬咬皆可治 用黃花草為末傅傷處	治蜈蚣蝎方 用枯白礬不拘多少如傷左點左眼右點右眼	治蚰蜒咬 用木鱉子末醋調塗之	治惡虫咬 <small>出聖惠方</small> 用馬腸根生油磨塗之	治百虫所傷 <small>出衛生家寶方</small>	欽定四庫全書 普濟方	雄黃 <small>兩一</small> 白礬 <small>飛過</small> 硃砂 <small>一分</small> 麝香 <small>一錢</small>	露房蜂窠 <small>一分燒灰存性</small> 土蜂窠 <small>半兩生研</small> 烏梅肉 <small>半兩焙乾</small>	右一處研極細先用針挑開瘡口用醋并藥少許擦之次用醋打麵糊攤紙花子蓋之病小一服病大日一換	治山源深遠處沙虱土虺蛇纏丹毒傷人累經神驗方 烏賊魚骨 胆礬 赤足全脚大蜈蚣	右三味等分細研為末如有患者速於元發端處以
------------------------	-----------------------	-----------------------------	-------------------	--	--------------------------------	---------------	--	--	--	--	----------------------



針挑破用

辟蜈蚣辟虱蝎蚊虫使聞之不敢近

出衛生家寶方

雄黃

分五

砒

分五

栝子

青棟子

各一升

葛蒲

四兩

右為細末次入雄黃砒同研勻每用三錢以紙裹藥燈上點於房中薰

又治壁鏡毒人必死方

右溶化白礬乘熱滴傷處痛止毒出

杏黃膏

出百一選方

治蛇虫所傷皆可治

欽定四庫全書

普濟方

右以杏核七七箇每磨開一竅去仁研真雄黃末填其中次以蠟封之共置一瓦合內合口更須固濟窰於向北靜處簷下七七日取出要用則槌開一核以津液調雄黃傳咬處當不移時毒氣盡作黃水消去此藥重午日合

吳茱萸散

治蛇蝎螫人

右用乾薑嚼傳瘡上不過三四瘡又煮吳茱萸湯以漬瘡上瘡



治蛇虫咬傷

先用帛片縛住兩頭免毒氣行急用手按擦去毒氣
用草鵝糞同新水搗爛罨傷處四圍

又方

用黃泥調新冷水擦傷處見清水出乃止使用野決
明菜搗爛酒浸濾去滓服留滓罨傷處以帛片裹之
又方名纏蛇丹

凡為蛇傷蜂蠆蜈蚣毒虫顛犬所傷皆可用雄黃為

欽定四庫全書

普濟方

末水調塗兼用井花水及酒調喫甚効

治蛇毒蝎螫咬

出朱氏
集驗方

用醋磨雄黃塗之

治蛇虫所傷

羚羊北人多食南人食之免為蛇虫所傷和五味子
炒之投酒中經宿飲之又治筋骨急強中風

治蛇虫咬

出聖
惠方

用烏蘇莓五葉或生人家墻間搗傳瘡腫蛇虫咬處



治蛇虫咬	用茨菰葉研傳之一方用根搗爛傳
治諸虫蛇傷	用菩薩草搗絞飲汁及研傳之
治蛇咬瘡蜈蚣所傷	<small>出聖 惠方</small>
用桑樹白皮汁傳之瘡	
治蛇虫咬及蛇虺螫人	
用菹豆葉搗爛傳之一方用白菹豆搗汁傳之	
欽定四庫全書	普濟方
治蛇惡虫毒并疥癬癰腫瘰癧	
用鹽水酒服之著瘡不爾磨傳之	
治蚯蚓毒腹大夜聞蚯蚓鳴於身者	
以鹽水浸之昔崇寧隴州兵士暑月在倅廳前跣立	
為蚯蚓所中遂不救數日又有被其毒教以先飲鹽	
湯一盃次以鹽湯浸足乃愈	
治虫毒螫咬	
用合子草搗傳瘡上	



治蝨咬	取大蝦蟆脊背上白汁和蟻子灰塗之
治蛇蝨傷犬咬	以穀樹汁傅之
治蝨蛇犬等咬傷	以千里及搗傅咬處
治蛇蝨蜘蛛蝨咬毒入內者	以桐葉搗封傷處又皮為末服之
欽定四庫全書	普濟方
治蜘蛛蛇蝎毒	以小薊搗絞取汁服之佳
治惡蝨咬作瘡者	取陽烏鸛鷲燒為末酒下服之
治諸蝨咬	<small>陽烏鸛鷲亦名陽鴉出建州</small>
用土檳榔細研油塗之	<small>塔除間蟻蝨屎也</small>
治蝨蛇犬咬	
用五毒草根醋磨傅瘡上亦搗莖葉傅之恐毒入腹	



治惡虫蛇螫毒	用戎鹽水酒服之著瘡不爾磨傅	治蛇蝎虫咬等毒	取千金鑑草搗傅瘡上生肌止痛	治蜂及蜈蚣螫人	取蜘蛛置肉上則能吸毒	治虫蚕蜘蛛等咬	用灰藿搗碎和油傅之	治蛇及蜘蛛咬	用鬼釵草杵碎傅之亦杵絞汁服之	治蛇犬咬等毒	以風涎母煮服之	治蚕及諸虫如蚕類咬人恐毒入腹	用蚕蔞草煮服之生搗傅瘡亦効	治蛇惡虫毒疥癬癰腫瘰癧	欽定四庫全書	普濟方
--------	---------------	---------	---------------	---------	------------	---------	-----------	--------	----------------	--------	---------	----------------	---------------	-------------	--------	-----



取赤龍浴水服之 <small>此澤間水泉赤蛇在中者經雨取之</small>	治惡虫咬人入腹及咬人生瘡者	治蛇蜂叮毒 用糟傳之	以百部根火炙浸酒空腹飲之	治虫蚕咬	用溪狗燒末服一二錢匕	治溪毒及遊虫	以蟾蜍糞傳之	欽定四庫全書 普濟方	治雜虫咬	以人肝藤生研服	治虫毒	取百舌鳥巢及糞塗咬處亦用百舌鳥炙食之良	治虫咬	用蛇莓搗傳之	治蛇虫咬	用地菘按以傳之
--	---------------	---------------	--------------	------	------------	--------	--------	---------------	------	---------	-----	---------------------	-----	--------	------	---------



治蝸牛虫所毒徧身者 以蓼子煮汁浸之立瘥	治虫刺螫人方 用好鼓心以足為限但覺刺即熟嚼鼓以傳之少頃 見鼓中毛即瘥不見又嚼傳之晝夜勿絕見毛為度	治虫咬毒 用烏雌雞糞炒服之	治鼠咬人 欽定四庫全書 普濟方	以麝香封上用帛子繫之	治蛇虫沙虱瘡 用小蒜傳之	治蛇虺虫蚕狂犬等毒 以紫荆木煮汁服之	治狐尿刺人腫痛 用熱蠟着瘡中又燒烟薰之令汁出即便愈	治狐尿刺螫痛
------------------------	--	------------------	-----------------------	------------	-----------------	-----------------------	------------------------------	--------



用杏仁細研一兩沸承熱以浸螫處數易之	治蛇虫毒	以蒼鵝糞傅之及舍中養能辟蛇虫	欽定四庫全書	普濟方	普濟方卷三百六
-------------------	------	----------------	--------	-----	---------

